

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/15, 22.04.2019թ.

**Բողոք բերող անձ՝** «Իմպորտ Թրեյդ» ՍՊԸ

**Պատվիրատու՝** «ՀԱԷԿ» ՓԲԸ

**Գնման ընթացակարգի ծածկագիրը՝** ՀԱԷԿ-ԳՀԱՊՁԲ-26/19 ծածկագրով գնանշման հարցում

**Գնման առարկան՝** ուսուցողական պաստառներ.

**Բողոքի պահանջը՝**

Չեղարկել 08.04.2019թ. կայացած նիստի ընթացքում հանձնաժողովի ընդունած որոշումը, այն է՝ «մերժել «Իմպորտ Թրեյդ» ՍՊԸ-ին և որակավորման փաստաթղթեր ներկայացնելու պահանջ ներկայացնել 2-րդ տեղ զբաղեցրած ընկերությանը՝ «Դասո Պրինտ» ՍՊԸ-ին» և հաղթող ճանաչել «Իմպորտ Թրեյդ» ՍՊԸ-ին:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ժ. ՂԱԼԹԱԽՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

16:10

«Ձ գնումների հետ կապված բողոքներ քննող անձին»

հասցե՝ ք. Երևան, Մելիք Ադամյան 1

Բողոք բերող անձ՝ <Իմպորտ Թրեյդ> ՍՊԸ

Հասցե՝ ՀՀ Արագածոտնի մարզ, գ. Ավան, փող 5, փկղ. 1  
էլ. հասցե՝ [importart.info@gmail.com](mailto:importart.info@gmail.com), Հեռ. 043 14 18 18

Պատվիրատուի անվանումը՝ «ՀԱԷԿ» ՓԲԸ

հասցե՝ ՀՀ, Արմավիրի մարզ, ք. Մեծամոր

Գնման ընթացակարգի ծածկագիրը և առարկան՝ «ՀԱԷԿ» ՓԲԸ կարիքների համար ուսումնական պաստառների ձեռքբերում, ծածկագիր՝ <ՀԱԷԿ-ԳՀԱՊՁԲ-26/19>

### ԲՈՂՈՔ

#### 1. Բողոքի առարկան և բողոք ներկայացրած անձի պահանջը

Սույն թվականի մարտի 18-ին հրապարակվել է «ՀԱԷԿ» ՓԲԸ կարիքների համար (այսուհետև՝ Պատվիրատու) ուսումնական պաստառների ձեռքբերման նպատակով կազմակերպված <ՀԱԷԿ-ԳՀԱՊՁԲ-26/19> ծածկագրով գնանշման հարցման ընթացակարգը:

#### 1.Բողոքի փաստացի և իրավական հիմքերը, ապացույցները

Սույն բողոքը կազմված է 16.12.2016թ «Գնումների մասին» ՀՀ օրենքի /այսուհետև՝ Օրենք/, ՀՀ կառավարության 04.05.2017թ թիվ 526-Ն որոշման /այսուհետև՝ Որոշում/ և <ՀԱԷԿ-ԳՀԱՊՁԲ-26/19> ծածկագրով հրավերի /այսուհետև՝ Հրավեր/ պահանջներին համապատասխան:

<Իմպորտ Թրեյդ> ՍՊ ընկերությունը 24.03.2019թ. <ՀԱԷԿ-ԳՀԱՊՁԲ-26/19> ծածկագրով ընթացակարգի մասնակցության համար հայտ է ներկայացրել և գնահատող հանձնաժողովի 28.03.2019թ. որոշմամբ ճանաչվել է 1-ին տեղը զբաղեցրած մասնակից /արձանագրություն 3 կցվում է/: Սույն օրը գնումների մասին ՀՀ օրենսդրությամբ և հրավերի 7.13 կետի 4-րդ ենթակետով սահմանված կարգով մեր ընկերությանը առաջարկվել է ներկայացնել որակավորման չափանիշները հիմնավորող փաստաթղթերը:

29.03.2019թ. հրավերի 7.14 կետով սահմանված կարգով ընթացակարգի քարտուղարի [Nana.Hakobyan@anpp.am](mailto:Nana.Hakobyan@anpp.am), էլ. փոստին մեր կողմից ուղարկվել են հրավերով պահանջվող «մասնագիտական փորձառության», «տեխնիկական միջոցների», «աշխատանքային ռեսուրսների» և «ֆինանսական միջոցների» առկայությունը հիմնավորող փաստաթղթերը /արտատպումը էլ փոստից կցվում են/:

Որոշման 63-րդ կետի 1-ին ենթակետի համաձայն «Ֆինանսական միջոցներ» չափանիշը գնահատվում է հետևյալ կարգով՝

1) հրավերով պահանջվում է, որ Հայաստանի Հանրապետության ղեկավարող հանդիսացող մասնակիցը, բացառությամբ անհատ ձեռնարկատեր չհանդիսացող ֆիզիկական անձի, հայտով ներկայացնում է հայտարարություն այն մասին, որ իր կողմից հայտը ներկայացվելու նախորդող՝

ա. երեք հաշվետու տարիների համախառն եկամտի հանրագումարը պակաս չէ ներկայացված գնային առաջարկից.

բ. հաշվետու տարվա ընթացքում պարտավորությունների հաշվեկշռային արժեքը չի գերազանցել ակտիվների հաշվեկշռային արժեքը.

հսկ վերը նշված կետի 3-րդ ենթակետի համաձայն՝ «մասնակցի որակավորումը գնահատվում է բավարար, եթե վերջինս ապահովում է սույն կետով նախատեսված պահանջները»:

Ընդ որում Հրավերի 7.13 կետի 3-րդ ենթակետի համաձայն՝ հանձնաժողովի քարտուղարը հայտերը բացման նիստի ավարտից հետո ոչ ուշ քան հաջորդող աշխատանքային օրը՝

3) էլեկտրոնային փոստի միջոցով Հայաստանի Հանրապետության կառավարությանն առընթեր պետական եկամուտների կոմիտե (այսուհետև՝ կոմիտե) հարցում է ներկայացնում առաջին տեղ զբաղեցրած մասնակցի՝ հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև սույն հրավերի 1-ին մասի 2.5 կետով նախատեսված՝ «Ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ՝ ներկայացնելով մասնակցի անվանումը և հարկ վճարողի հաշվառման համարը: Ընդ որում սույն ենթակետում հարցումն ուղարկվում է [Lena\\_Najaryan@taxservice.am](mailto:Lena_Najaryan@taxservice.am) էլեկտրոնային փոստի հասցեին սույն հրավերի 8-րդ հավելվածով նախատեսված ձևին համապատասխան՝ էլեկտրոնային նամակի պատճենները միաժամանակ ուղարկելով [karine\\_sargsyan@taxservice.am](mailto:karine_sargsyan@taxservice.am), [gayane\\_antonyan@taxservice.am](mailto:gayane_antonyan@taxservice.am) և [procurement@minfin.am](mailto:procurement@minfin.am) էլեկտրոնային փոստի հասցեներին.

Հրավերի 7.15 կետի համաձայն՝

Կոմիտեն սույն հրավերի 1-ին մասի 7.13 կետի 3-րդ ենթակետով նախատեսված հարցումն ստանալու օրվանից երեք աշխատանքային օրվա ընթացքում էլեկտրոնային փոստի միջոցով պատվիրատուին տրամադրում է հարցման մասին սույն հրավերի 9-րդ հավելվածով նախատեսված ձևին համապատասխան տեղեկատվություն:

04.04.2019թ. (Ժամը՝ 17:57) ընթացակարգի քարտուղարի կողմից մեր ընկերության [importart.info@gmail.com](mailto:importart.info@gmail.com), էլ փոստին նամակ է ուղարկվել, առ այն, որ «ՀՀ ԿԱ ՊԵԿ-ի կողմից ներկայացված եզրակացությամբ Ձեր ընկերության- երեք հաշվետու տարիների համախառն եկամտի հանրագումարը գրո է>: Ուստի առաջնորդվելով ՀՀ կառավարության 04.05.2017թ թիվ 526-Ն որոշման 47-րդ կետի պահանջներով մեզ առաջարկվել է մեկ աշխատանքային օրվա ընթացքում շտկել տվյալ անհամապատասխանությունը:

Անհրաժեշտ է նշել, որ հիշյալ ծանուցումը կատարվել է հրավերի 7.20 կետի 2-րդ ենթակետով սահմանված կարգի խախտմամբ: Այն է հրավերի 7.20 կետի 2-րդ ենթակետով սահմանված է «Ընդ որում ծանուցմանը պարտադիր կցվում է հանձնաժողովի նիստի արձանագրության պատճենը, որում պարտադիր և մանրամասն պետք է նկարագրված լինեն զնահատման արդյունքում արձանագրված անհամապատասխանությունները, ներառյալ ապրանքի ամբողջական նկարագրի վերաբերյալ», սակայն արձանագրություն կցված չի եղել /արտատպումը էլ փոստից կցվում են/:

Չնայած այն հանգամանքին, որ սահմանված կազով, պատշաճ չենք ծանուցվել առկա անհամապատասխանության մասին, այնուամենայնիվ 05.04.2019թ. խնդրել են ՀՀ ՊԵԿ մեզ նպաստակող ստորաբաժանմանը շտկել Կոմիտեի կողմից ներկայացված եզրակացության մեջ տեղ գտած սխալը և տրամադրել գրավոր տեղեկատվություն մեր ընկերության երեք հաշվետու տարիների համախառն եկամտի հանրագումարի վերաբերյալ, քանի որ Հրավերի 7.21 կետի 2-րդ ենթակետի համաձայն զնահատող հանձնաժողովի կամ քարտուղարի կողմից կոմիտեին կրկնակի հարցում չի կատարվում:

Հրավերի 7.20 կետի 2-րդ ենթակետի համաձայն՝ «Առաջին տեղը զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացված, ներառյալ կոմիտեի կողմից տրամադրված, որակավորման չափանիշները հիմնավորող փաստաթղթերի և (կամ) ապրանքի ամբողջական նկարագրի զնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը համակարգի միջոցով ծանուցում է առաջին տեղը զբաղեցրած մասնակցին՝ առաջարկելով մեկ աշխատանքային օրվա ընթացքում շտկել անհամապատասխանությունը»:

Հրավերի 7.21 կետի 2-րդ ենթակետի համաձայն

«Ֆինանսական միջոցներ» որակավորման չափանիշի մասով արձանագրված անհամապատասխանությունը կարող է շտկվել, ինչպես առաջին տեղը զբաղեցրած մասնակցի կողմից կոմիտեից ստացված գրավոր տեղեկատվությունը զնահատող հանձնաժողովին ներկայացվելով, այնպես էլ կոմիտեի կողմից տրված նոր տեղեկատվությամբ (հարկ ենք համարում նշել, որ հիշատակված կետում գրավոր տեղեկատվության որևէ կոնկրետ ձև նշված չէ, ուստի մենք հանձնաժողովի պահանջած տեղեկատվությունը ներկայացրել ենք մեզ հասու գրավոր տեղեկատվության միջոցով):

Այսպիսով, ՀՀ ՊԵԿ կողմից, որպես գրավոր տեղեկատվություն մեզ տրամադրվել են ընկերության 2018թ մայիսից դեկտեմբեր ամիսների ԱԱՀ ամսեկան (ընկերությունը գրանցված է 23.03.2018թ) և 2018թ. տարեկան հաշվարկները՝ հաստատված իրենց կնիքով, քանի որ ընթացակարգի հրավերով սահմանված 9-րդ հավելվածով նախատեսված ձևին համապատասխան տեղեկատվություն տարածքային բաժնիները ընդհանրապես չեն տրամադրում: Հիշյալ ձևով տրամադրվում է միայն [Lena.Najaryan@taxservice.am](mailto:Lena.Najaryan@taxservice.am) էլ. հասցեից /3 աշխատանքային օրվա ընթացքում/, այն էլ զնահատող հանձնաժողովի քարտուղարի կողմից հարցում ստանալու դեպքում: Ընկերությունը ներկայացնում է գրավոր տեղեկատվություն այն ձևով, որ ձևով որ իրեն 1 օրվա ընթացքում տրամադրում է ՊԵԿ տարածքային սպասարկող բաժինը:

Տրամադրված գրավոր հաշվարկներից հստակ երևում է, որ ընկերության հրավերով պահանջվող, հաշվետու ժամանակաշրջանում ունեցած համախառն եկամտի հանրագումարը գրո չէ, այլ կազմում է՝ 22 755 663 ՀՀ դրամ, ինչը գերազանցում է հրավերով պահանջված չափը՝ 3 997 500 ՀՀ դրամը:

Նույն օրը ՀՀ ՊԵԿ ստորաբաժանման կողմից կնքված հաշվարկները սահմանված կարգով ուղարկվել են հանձնաժողովի քարտուղարի էլ. հասցեին /կցվում են/:

09.04.2019թ մեր ընկերության էլ հասցեին ստացվել է ոչ ավտոմատ ծանուցում, որին կցված էր ընթացակարգի հանձնաժողովի թիվ 5 արձանագրությունը: Արձանագրության մեջ գրված էր, որ «Ինչպիսիք էր» ՍՊ ընկերության կողմից սահմանված ժամկետում արձանագրված անհամապատասխանությունը չի շտկվել, ինչի արդյունքում ընկերության հայտը մերժվել է, իսկ ներկայացված ՊԵԿ հաշվարկները հանձնաժողովը ուսումնասիրելու և զնահատելու իրավասություն չունի /արձանագրություն 5 կցվում է/:

Այսպիսով, հանձնաժողովի կողմից ներկայացված անհամապատասխանությունը ամբողջովին շտկվել է մեր ընկերության կողմից /սահմանված կարգով և ժամկետում/, ինչի արդյունքում հանձնաժողովը մեր կողմից ներկայացված հաշվարկներով լիովին հնարավորություն է ունեցել բավարար զնահատելու հրավերով պահանջվող «Ֆինանսական միջոցներ» որակավորման չափորոշիչը, սակայն մեզ համար անհայտ պատճառով չի արել այն, փոխարենը՝ մերժել է ընկերության հայտը: Հանձնաժողովը պետք է զնահատի կազմակերպության երեք հաշվետու տարիների համախառն եկամտի հանրագումարը, այլ ոչ թե տեղեկատվության թղթի ձևը, գույնը կամ այլ ձևական կողմը:

Անհրաժեշտ է նշել նաև, որ Որոշման 32-րդ կետի 1-ին ենթակետի համաձայն, ընկերությունը ներկայացրել է իր կողմից հաստատված հայտարարություն հրավերով սահմանված մասնակցության իրավունքի և

որակավորման չափանիշներին իր համապատասխանության մասին, քանի որ մեր ընկերությունը իրականում համապատասխանում է հրավերով պահանջվող որակավորման պահանջներին և ՊԵԿ-ի կողմից տրված ոչ ճիշտ տեղեկատվությունը չի կարող բացասական հետևանքներ ունենալ մասնակցի համար:

Պնդում եմ, որ հանձնաժողովի որոշումը հակասում է օրենքի 3-րդ հոդվածի 1-ին մասով սահմանված նպատակներին և նույն հոդվածի 2-րդ մասով սահմանված համաչափության սկզբունքին, ասել է թե՛ պետական գնումների ընթացակարգը պետք է ուղղված լիներ գնումների մասին ՀՀ օրենսդրությամբ հետապնդվող նպատակին և դրան հասնելու միջոցները պետք է լինեն պիտանի, անհրաժեշտ և չափավոր:

Հանձնաժողովը, իրավական նորմերին տալով կամայական մեկնաբանություն, ստեղծել է անհավասար և խտրական մրցակցային պայմաններ, որի արդյունքում մեր ընկերությունը անհիմն կերպով զրկվել է ընթացակարգին հետագա մասնակցությունից, ավելորդ չէ նշել նաև այն, որ ընթացակարգում մեզ չվերականգնելու դեպքում պետությանը կպատճառվի՝ 1 752 500 ՀՀ դրամի վնաս:

Ուստի, առաջնորդվելով <Գնումների մասին> ՀՀ օրենքի 46-րդ և 50-րդ հոդվածի 2-րդ կետի 2-րդ ենթակետով ներկայացնում ենք բողոք :

Մանավորապես՝

Պահանջ: Հաշվի առնելով վերը շարադրվածը և ղեկավարվելով «Գնումների մասին» ՀՀ օրենքի հոդված 50-ի, 7-րդ մասի, 1-ին կետի, բ/ ենթակետով՝

խնդրում ենք պարտավորեցնել <<ԱԷԿ-ԳՀԱՊՁԲ-26/19> ծածկագրով ընթացակարգի գնահատող հանձնաժողովին՝

1. Կասեցնել <<ԱԷԿ-ԳՀԱՊՁԲ-26/19> ծածկագրով ընթացակարգը,
2. Չեղարկել՝ 08.04.2019թ-ին կայացած նիստի ընթացքում հանձնաժողովի ընդունած որոշումը, այն է՝ «մեղծել «Իմպորտ Թրեյդ» ՍՊԸ-ին և որակավորման փաստաթղթերը ներկայացնելու պահանջ ներկայացնել 2-րդ տեղը զբաղեցրած ընկերությանը՝ «Ղաստ Պրինտ» ՍՊԸ-ին» /հանձնաժողովի նիստի արձանագրություն թիվ 5-ը կցվում է/ և հաղթող ճանաչել <Իմպորտ Թրեյդ> ՍՊԸ-ին:

1. Բողոքարկման վճարը կատարած լինելը հիմնավորող փաստաթղթի պատճենը.  
Վճարման հանձնարարագրի անդորրագիր թիվ՝ 002199
2. Կից ներկայացվում է՝ հանձնաժողովի նիստի արձանագրությունները, էլ փոստից ծանուցումների և որակավորման փաստաթղթերի ներկայացման փաստը հաստատող արտատպումները. տնօրենի ՆՔ պատճենը:

Առդիր՝ թերթ:

Հարթանով՝

